

Աղոտ Հոգիացնիսյան

Մ. ՆԱԼԲԱՆԴՅԱՆԻ ԿԵՆՍԱԳՐՈՒԹՅԱՆ ԱՆՀԱՅՏ ՄԻ ԷՋԸ

Մ. Առեղյանի անվան Գրականությունների ինստիտուտին կից թանգարանի թղթերում մենք հանգրվեցինք 1857 թ. հուլիսի 23-ին Բ. Պատկանյանին ուղղված մի նամակի, որի գրողը՝ Մ. Պատկանյանը՝ հաղորդելով առաջիկայում լույս տեսնելիք «Հյուսիսսփյայի» մասին, ավելացնում է. «Նալբանդյանը գնաց արտասահման» ինչպես լսեցի՝ օրագրի համար մամուլ, տառեր ու գլխիկներ պիտի բերեմ»:

Ստույգ հայտնի են Նալբանդյանի արտասահմանյան երկու ուղևորությունները: Մինը նա ձեռնարկել էր 1859 թ. անցնելով Վարչավա, Բեռլին, Փարիզ, Լոնդոն և Էսսեն, մյուսը՝ 1860—1862 թվականներին՝ Հնդկաստան ուղևորվելու կապակցությամբ: Մ. Պատկանյանի հաղորդածը հետաքրքրական նորություն է: Այն օգնում է մեզ պարզելու այն իրողությունը, որ 1857 թ. Նալբանդյանը կատարել է նաև ուրիշ՝ մինչև հիմա անհայտ մնացած, արտասահմանյան ուղևորություն:

Պատկանյանի հաղորդածը հավաստելու համար պիտի գիտենք նախ, որ չկա Նալբանդյանի կենսագրության հայտնի որևէ փաստ, որ հակասեր դրան: Հայտնի են, ընդհակառակը, մի շարք փաստեր, որոնք հավանական են դարձնում Մ. Պատկանյանի հաղորդածի ճշտությունը:

Մեր ձեռքի տակ կա «Հյուսիսսփյայի» հրատարակման մասին 1857 թվականի մայիսին առանձին թերթիկով տպված «Ծանուցումը», ուր առաջին անգամ նշված է ամսագրի նպատակը և բնութագրված նրա ուղղությունը: Նույն տարվա հունիսի 1-ին՝ Սալթիկյանին գրած մի նամակում Նալբանդյանը հաղորդում է «Հյուսիսսփյայի» մասին և միաժամանակ հայտնում, թե մտադիր է առաջիկա հուլիսի կեսերին կամ վերջերին լինել Նախիջևանում¹: Չկա փաստ, թե Նալբանդյանը իրադրոժեց այդ մտադրությունը: Մատենադարանի արխիվում պահված է միայն մի գրություն, որը տեղեկացնում է այն մասին, թե 1857 թվականին—գժրախտաբար նշված չէ ամիսն ու օրը—նա 1000 ռուբլի ստացավ Նախիջևանի իր գործակիցներից՝ հայկական տպարանի սարքավորում և տառեր գնելու համար²:

1857 թ. սեպտեմբերի 24-ին «Молва» թերթում տպագրվեց Մ. Նալբանդյանի հղմամբ «Հյուսիսսփյայի» հրատարակության մասին³:

Այնուհետև մինչև 1857 թ. վերջերը դադարում են Նալբանդյանի կյանքի մասին մեր ունեցած տեղեկությունները: 1857 թ. գեկտեմբերի 11-ին Օդեսայից ուղարկված մի նամակում է միայն, որ ումն Հովհաննես Թաթսիդ-

¹ Գրական թանգարան, Մ. Պատկանյանի արխիվ, № 270, էջ 17:

² Երկերի լիակատար ժողովածու, 4-րդ հատ., էջ 46:

³ Մատենադարան, կաթողիկոսական գիվան, թղթապանակ № 185, վավերագիր 30:

⁴ Հայկական ՍՍՌ ԳԱ «Տեղեկագիր», 1954, № 5, էջ 79:

յան նրա մասին հաղորդում է Արել Մխիթարյանին. «Ազնիվ եղբայր մեր ըստ հոգևոյ զգոնամիտ Միքայել Նալբանդեանց պարապի ի բաժնի բժշկական արուեստի ի Մոսկուա, ուրանոր որպէս լսեմս՝ զղերկեամ մի ևս ունի մնալ և ապա՝ բժիշկ»¹:

Հարց է առաջանում, ուր էր գտնվում, կամ ինչ էր անում Նալբանդյանը համալսարանական արձակուրդների շրջանում՝ 1857 թ. հուլիս—օգոստոս ամիսներին: Այդ հարցին է հենց, որ պատասխան է տալիս Խ. Պատկանյանի նամակը:

Ինչ մարչրուտ էր ունեցել Նալբանդյանի առաջին արտասահմանյան ուղևորությունը: Պատկանյանը լուր է այս մասին, բայց որչափ ուղևորությունը կապ էր ունեցել Մոսկվայի հայկական տպարանի սարքավորման խնդրի հետ, պիտի ենթադրել, թե նա կարող էր ուղևորված լինել Վիեննա և մանավանդ Վենետիկ, ուր այդ ժամանակ գտնվում էին հայ խոշոր տպարանները:

Կան տվյալներ, որոնք հավանական են դարձնում այդ ենթադրությունը:

Ավետիք Խաղեղյանը, Նալբանդյանի գլխավորական ընկերը և միաժամանակ նրա անդրանիկ կենսագրողը, հաղորդում էր՝ «1858 թվականի վերջերը Նալբանդյանցը տկարության պատճառով գնաց արտաքս սահմանի (ինչպես տարի մը առաջ էլ գնացել էր) և շրջեցաւ Պօլիս, Փարեզ ու Վեննա և այս տեղերու հայերուն ծանոթացաւ»²: Փոքր ինչ հետո կենսագրողը նշում է նաև Նալբանդյանի 1860—1862 թվականներին կատարած ուղևորությունը՝ Այսպիսով, Խաղեղյանը նշում է Նալբանդյանի երեք ուղևորություն, որոնք հաջորդաբար կատարվել են 1857, 1858 թթ. վերջերը (պիտի լինե՞ր 1859 թ. սեպտեմբեր—Ա. Հ.) և 1860—1862 թվականներին:

Հրապարակախոսի հաջորդ կենսագրողը, Մ. Միանսարյանը, գրում է, թե «1856 և 1858 թվերին (Նալբանդյանը) ճանապարհորդեց Եվրոպա և տեսավ Կ. Պոլիս, Վիեննա, Վենետիկ, Փարիզ, Լոնդոն և այլ տեղեր»³: Միանսարյանը հիշում է նաև Հնդկաստան ուղևորվելու կապակցությամբ ձեռնարկված ճանապարհորդությունը, որ գնում է 1861—1862 թթ. ներքոս⁴:

Մ. Տեր-Գրիգորյանը Փարսկեցու «Թղթի» թարգմանությանը կցած կենսագրականում գրում է դարձյալ Նալբանդյանի՝ «1858 թ. վերջերք» և մինչև 1859 թ. վերջը գեպի Պոլիս, Վիեննա, Փարիզ կատարած ուղևորության, ինչպես նաև 1860 թ. ձեռնարկած հաջորդ ճանապարհորդության մասին⁵:

Նալբանդյանի «Երկերի» Ն. Նախիջևանի հրատարակությանը կցված կենսագրականը ևս՝ Դ. Սալթիկյանի պատմածները վկայակոչելով, հաղորդում է 1859 թ. Նալբանդյանի և մխիթարյանների Վենետիկում տեղի ունեցած ինչ-որ հանդիպման մասին:

Նալբանդյանի «Ծոցատետրի նկատողությունները» հայտնաբերվելուց հետո, պարզ է միանգամայն, որ 1859 թ. կամ 1860—1862 թվականներին հրա-

¹ Մատենադարան, Պատկանյանների արխիվ, թղթապանակ № 141, վավերագիր 27Թ:

² «Մեղու Հայաստանի», 1886, երես 147:

³ Տես «Քնար հայկական», 1887, էջ 520—521:

⁴ Հազար Փարսկեցու դրած թուղթը, Ս. Պ. Բ., 1868, երես 14:

պարակախոսը չէր եղել ոչ Վիեննայում և ոչ էլ Վենետիկում, Այնուամենայնիվ, որչափ վերը հիշատակված վկայությունները ելնում են Նալբանդյանի հետ անմիջական շփում ունեցած մարդկանցից պիտի կարծել, որ սրանց հազորդածները ոչ թե մտացածին են, այլ ինչ որ շփոթության արդյունք, Գատարված իրողություններից շատ հետո արձանագրված այս վկայությունների մեջ նկատելի են նախ թվականների ու ամիսների անստուգություն և ապա՝ տարբեր ուղևորությունների ու մարշրուտների միակցում, Նման բան հաճախ է լինում, Բանասիրության մեջ դա կոչվում է՝ դեպքերի կամ փաստերի կոնտամինացիա: Կարևոր է, որ Խաղեղյանի և Միանսարյանի գրած հնագույն կենսագրականները նշում են Նալբանդյանի ոչ թե երկու, այլ երեք ուղևորություն, Բացի այդ, բոլոր հին աղբյուրները նշում են Նալբանդյանի Վիեննայում կամ Վենետիկում լինելու փաստը:

Թե մասնավորապես Նալբանդյանը եղել էր Վենետիկում, դրա օգտին գուցե կարելի է բերել հրապարակախոսի թղթերում պահպանված խտաբերեն մի նամակ՝ գրված Վենետիկում 1859 թ. հոկտեմբերի 24-ին, Նամակը հասցեագրված է ոմն Վեյնգազին եղբոր՝ նրան մտերիմ ինչ որ նկարչուհու կողմից: Շեն միշտ անհանգստանում եմ քո առողջության մասին, քո թանգագին ծնողների մասին և քո խոսքերից դատելով, թվում է ինձ միշտ, թե քո թշնամիները երբեք չեն դադարում քեզ հալածելուց, — գրում է նկարչուհին: Նամակից պարզվում է, որ Վեյնգազին եղբայրը՝ ճանաչում է նկարչուհուն շատ վաղուց և ժամանակին եղել էր Վենետիկի նրա արվեստանոցում. նամակի ակնարկներից երևում է, որ առաջին նրա այցելությունը տեղի էր ունեցել ոչ թե 1859 թ. այլ դրանից առաջ, Հիմա Վեյնգազին եղբայրը՝ կարող է մխիթարվել գեթ նրանով, որ ապրում է հարազատ միջավայրում. որքան դժբախտ կլինեի, եթե կապվելով նրա մասին անհանգստացող Քրոֆ՝ հետ, օտար աշխարհում շարունակ զգալու լինեի յուրայինների կարոտը:

Նամակի բովանդակությունը հիմք է տվել ենթադրելու, թե նա ուղղդված է Նալբանդյանին, Եթե ճիշտ է այդ ենթադրությունը, ապա նկարչուհու նամակը պիտի գիտվի որպես նոր մի վկայություն այն մասին, որ 1859 թ. առաջ Նալբանդյանը իսկապես եղել էր Վենետիկում: Նոր ուժ ստացող այն փաստը, թե Նալբանդյանը 1857 թ. եղել էր Վենետիկում, իր հերթին ուժ է տալիս այն ենթադրության, թե նկարչուհու նամակն իրոք ուղղված է Նալբանդյանին:

Պիտի կարծել, որ երկարատև չի եղել Նալբանդյանի դեգերումը Վենետիկում: Դա է հենց պատճառը, որ այդ ուղևորությունը հետք չի թողել նրա գրագրությունների մեջ, Տպարանական գործերն ավարտելուց հետո նա պիտի շտապեր Մոսկվա, որչափ այդ անհրաժեշտ էր Շչյուսիսափայլի՝ հետ կապված կազմակերպական և գրական աշխատանքներ կատարելու համար: Վերադարձն անհրաժեշտ էր նաև ուսման տարվա սկզբից համալսարանական դասախոսություններին հետևելու համար: Պիտի կարծել, որ Նալբանդյանի արտասահմանից Մոսկվա ժամանելու մասին է խոսքը, երբ ձեռագիր իր օրագրություններից մեկում Մոսկվայում ապրող Մսեր Մսերյանը 1857 թ. օգոստոսի 28-ին ներքո — արձանագրում էր. «Նալբանդյանն եկն»¹,

¹ ՏՆՍ Մ. Նալբանդյան, Անտիպ երկեր, երես 744:

Համադրելով Պատկանյանի և Մսերի տված տեղեկությունները՝ կարող ենք նշել, որ Նալբանդյանի արտասահմանյան այդ առաջին ուղևորությունը տեղի էր ունեցել 1857 թ. հուլիսի 23-ի և օգոստոսի 28-ի արանքում:

Նալբանդյանի՝ Վենետիկում արված գիտողությունները պիտի որ ազդած լինեին մխիթարյանների գեմ ուղղված նրա բազմաթիվ հարձակումների վրա: Եթե խափանված չլիներ 1858 թ. սկսած նրա «Մխիթարյանք» հոգվածաշարի տպագրությունը, անշուշտ, միջոց պիտի ունենայինք շատ բան իմանալու նաև հրապարակախոսի վենետիկյան «տեսածների ու լսածների» մասին: Նույնը (կարող ենք ասել նաև Նալբանդյանի Վիեննայում գեղերելու և տեղական մխիթարյաններին հանդիպած լինելու մասին):

Պիտի կարծել, որ հիմնականում Վիեննայում և Վենետիկում արած իր գիտողություններից էր ելնում Նալբանդյանը, երբ հետագայում «Երկրագործություն» էջերում ծանրանում էր «ձկնարյուն ավատրիացիների» բռնատիրություն վրա և երկիցս նշում «գեհենապարտ» Հարսուրդների գեմ պայքարող Վենետիկի մասին:

Իր ջերմ համակրանքը դեպի ազատարար Ռուսիան Նալբանդյանն արտահայտել էր դեռևս 1860 թվականին՝ Նեապոլից Սվաճյանին ուղղած նշանավոր իր նամակում, որ ցույց է տալիս, թե որքան դեռ մինչ այդ նա պիտի հետաքրքրված ու մտածած լիներ իտալական շարժման շուրջը:

Միայն բռնի օտարակալության գեմ չէ պայքարում իտալական ժողովուրդը, ասում է նա այդ նամակում, այլև իր ներքին թշնամիների գեմ. Սրանց շարքերում նա նշում էր Ռուսիայի ազնվականությունը, որ բռնարարում է հասարակ ժողովրդի ազատությունն ու իրավունքը և «ուրիշները ազատացնելով հարստանում է ու տիրապետում է ազգի բանականության վրա»¹: Ազնվականությունից ոչ պակաս ճնշում է գործում իտալական ազգի բանականության վրա կաթոլիկ կղերը: «Այս Հոռվմը փորձանք դարձավ մարդկության գլխին,—շարունակում է Նալբանդյանը... Հոռվմը ստրկությունից և բռնակալությունից հիմնված մինչև այսօր հաստատ կացավ իր սկզբունքին... րայց Ռուսիայի ներկա փրձակը, խելքերի ընդհանուր խմորումը վկայում են, թե շուտով կհնչե Հոռվմի ճակատագրական դանդակը»²:

Այս տողերը գրելու պահին իտալական բուրժուազիան դեռ չէր խզել իր կապերը ժողովրդական շարժման հետ: Բուրժուազիայի առաջավոր տարրերը զինակցում էին նրան:

«Բարիրայլիի ետեը,—ասում էր իր նամակում Նալբանդյանը,—կանգնած է հասարակ ժողովուրդը, Վիկտոր Էմանուելի ետեը՝ բուրժուազիան, կամ ինչպես արտահայտվում է հրապարակախոսը՝ «քաղաքացիք, այսինքն՝ միջնակարգ ժողովուրդը»: «Մյանք երկուսն էլ,—ասում է Նալբանդյանը,—պայքարում են Ռուսիայի ազատության համար: Հրապարակախոսը թափանցում է զինակիցների միջև և դառնում լիարժեք տարրերությունը, գիտակցում, որ Ռուսիայի ազատագրմանը նրանք մոտենում են «տարրեր սկզբունքներից»³:

¹ Երկերի լիակատար ժողովածու, հատ. 4, էջ 83:

² Նույն տեղում:

³ Նույն տեղում:

Եվ ինչ խոսք, որ հայ ազատամարտի հրապարակախոսի համակրանքը ամբողջովին խոնարհված էր ազատ Խալիլայի համար մաքառող հասարակ ժողովրդի՝ ու նրա հերոս ղեկավար Գարիբալդիի կողմը:

Սակայն իր բուն ատելությունը դեպի իտալական ժողովրդի թշահամիները Նալբանդյանն արտահայտել էր դեռևս 1860 թվականից էլ առաջ, 1859 թ. հուլիսին՝ գրած «Խալիլայի աղջկա երգում»:¹ Կործանել Ավրատրիան, նվաճել շղթայակապ Խալիլայի ազատությունը՝ այս էր երգի լեյտամոտիվը:

Երբ գրվում էր այդ երգը՝ արդեն կնքված էր իտալական ժողովրդի թիկունքին սուր իջեցնող Վիլլաֆրանկեի դաշնագրությունը: Նապոլեոն 3-րդը ծվատում էր ազատ Խալիլայի կուրծքը Հարսուերգների ճանկերում թողնելով Վենետիկն ու նրա շրջանը: Խալիլայի ազատագրական պայքարը թեկնոթում էր ռեոլյուցիոն դարգացման նոր էտապ: Նալբանդյանը գիտեր այդ պահին, որ միայն իտալական ազատության դեմ չէր ուղղված վիլլաֆրանկյան դաշնագրությունը. ֆրանսիական բուրժուազիայի բախտախնդիր առաջնորդին հարկավորվել էր այդ դաշնագրությունը՝ նպատակ ունենալով, Վարտաքին հաղթությունների պարծանքով ճնշել ու անհետ կացուցանել ներքին ազատությունը ֆրանսիական ազգի մեջ²: Սակայն Նալբանդյանը համոզված էր, որ ֆրանսիական դեմոկրատիան չի փոխը ազգային իր ազատասիրությունը կայսրության ոսպնաթանի հետ:

Նշանավոր իր երգով Նալբանդյանը ողջունում էր վերակալող ապրտամբությունը ոչ միայն այն պատճառով, որ թշնամուց ոտնակոխ էրկրի դավակն էր նաև ինքը, կամ այն, որ իտալական ռեոլյուցիոններնեի կանչերը նրան հիշեցնում էին Ռուսաստանում արծարծվող ազատագրական այն մեծ շարժումը, որի մեջ նա նշմարում էր իր ժողովրդի և բախտակից մյուս ժողովուրդների փրկության ճեմ խորհուրդը: Նալբանդյանը գրեց մարտաշունչ իր երգը անշուշտ նաև այն պատճառով, որ տակավին գրանից առաջ տեսել ու սիրել էր այն երկիրը, որի ազատության համար մղվում էր գարիբալդիականների պայքարը, ինչպես նաև այն, որ դիտել ու ասել էր այն ռեժիմը, որի կործանման համար մարտնչում էին իտալական հայրենասերները:

¹ Երկերի լիակատար ժողովածու, հատ. 2, էջ 278: